



Evelyn Frederiksen, Siumut
-/Maani

§ 37 naapertorlugu apeqqut nr. 173-imut ikummatissanut tunngasumut akissuteqaat

28-08-2014
Sags nr. 2014-102899
Dok. nr. 1677827

Asasara Evelyn Frederiksen

Postboks 1160

Tlf: 34 50 00

Fax: 34 55 05

3900 Nuuk

Email: pan@nanoq.gl

www.naalakkersuisut.gl

Ikummatissamut akigititat pillugit apeqquteqarnernut qujanaq. Apeqqutit tulleriinneri malillugit akissuteqarfigineqassapput.

1. Polaroilip Namminersorlutillu Oqartussat isumaqatigiissutaat akitsuineri malinneqarsimava?

Atuisunut akigititassat qanoq naatsorsorneqartassanersut, ikummatissanik imerpalasunik pilersuineq pillugu kiffartuunneqarnissamut isumaqatigiissummi allassimavoq.

Taamaalilluni ikummatissat akii isertitanut aningaasartuutinullu kiffartuunneqarnissamut isumaqatigiissuteqarfiusut iluanni tunisinermut attuumassuteqartunut naapertuuttussaapput.

Tassa imaappoq akigititaq Polaroil-ip ikummatissamik pisinermi aningaasartuutaannut kiisalu assartuussinermut, sillimmasiissuteqarnermut, tunisinermut il.il. aningaasartuutaannut matussusiissasoq.

Ulloq 1. august 2014 qaffaataasumi Polaroil-ip siusinnerusumut naleqqiullugu nunarsuarmi niuerfimmi qaffasinnerusumik akiliisariaqarsimanera aallaaviuvoq. Taamaalilluni qaffaataaneq kiffartuunneqarnissamut isumaqatigiissummi aalajangersakkat naapertorlugit ingerlanneqarpoq.

2. Ikummatissat akiinik qaffaasoqassatillugu piginnittut sinnerlugit kikkut aaliangiisartuuppat?


Ikummatissanik imerpalasunik pilersuineq pillugu kiffartuunneqarnissamut isumaqatigiissut aalajangersakkanik arlalinnik imaarpoq, ilaatigut Polaroil-ip pilersuisinnaatitaanera kiisalu akigititanik aalajangersaasarnissaq pillugit. Kiffartuunneqarnissamut isumaqatigiissummi taamaalilluni atuisunut akigititaasut qanoq naatsorsorneqartassanersut malittarisassanik allassimasoqarpoq.

Qaffaanerit kiffartuunneqarnissamut isumaqatigiissummi aalajangersakkat iluanniippata, Polaroil Naalakkersuisunit akuersissummik qinnuteqartussaangilaq.

Taamaalilluni akiusuni allannguutaasut ataasiakkaat Naalakkersuisut akuersissuteqarfigisanngilaat, kisianni kiffartuunneqarnissamut isumaqatigiissut 2012-imiit 2016-imut atuuttussat, politikikkut akuersissuteqarfigineqarpoq.

Neriuppunga matuma siuliani allassimasuni apeqqutitit akineqartut.

Inussiarnersumik inuulluaqqusillunga



Steen Lynge